

रवि शाक्य

वृक्षस



केदारमान 'व्यथित'



थाकू : पपुलर आर्ट प्रिन्टिङ्ग प्रेस, सबल बहाल ।

Ravi

नेपालभाषा सफू ६

‘ छ्वास ’

श्री केदारमान ‘व्यथित’

प्रकाशक:- नेपाल भाषा परिषद

३६१ न्यत-तुंछे, कान्तिपुर १३

नेपाल ।

व्यावक अधिकार लेखकया

ने. सं. ११०८

स्वको खुसी

मू ४१- (प्यतका)

थाकू:- पपुलर आर्ट प्रिन्टिङ्ग प्रेस
सबल वहा, भौंसिको
कान्तिपुर

समर्पण

भूतं ख्याय्यो धका मजुस्य झिजां दैदं वंगु
नेपाल साहित्यया लॅण्वी मग्नास्य पलाः छिना भूतया
भाव केवल कल्पना धका मेवयात थःगु पद-चिन्ह
अनुसरण याका न्ह्योज्याम्ह अग्रज श्री चित्तधरयात ।

घ:मा:

उगु वखतया शासकतयसं जनतायात वदयला थः यथ्य सने
ठिकातःगु प्रणाली थःत मिलेयाना छ्वे मफुगु अपराधे (?) १६६७
विक्रम सम्वते विषमतां हिगिमिगि चाया च्वम्ह 'अपथित' जु जेले च्वं
वने माल । जेलयागु निराश व सूनसान चा-ह्वि छ्वेत बेकल वविता
च्वेगु यात । बेकःयागु जेलयागु कृति हर्वाव प्याःगु म्प्रे; दिवस चित्र,
प्रतीभा पिहाँ वे नं धुकल । थुकिया अतिरिक्त जेलयागु छुं रचना
व पिनेयागु नं याना नेपाली भाषाय संगम धयागु छगू कविता संग्रह नं
हालसाले पिहाँ बल । बेकःयागु व जेल दुनेयागु रचनाय् झीसं अपो
याना अदृश्य व अस्पष्टयात जीवन लःल्लाना जुयाच्वंगु दुःखं मुक्त
जुइगु स्वःगु अर्थात छायावाद व रोमानीवादयागु रंग कीगु खनि ।
'याङ् थ्याङ् मिले मजगु संसार खना कवि ख्वइ, हालि । हाकुमुपाय्
थे उद्य थुखत व्वां जुजुं सुथ, बहनी, सन्ध्याकाः आदि माध्यमं कवि
गनं यार्जक च्ववनेगु स्वइ । न्ह्याक्व हे बिसि बनेत स्वःसां लिचिलेत
स्वःसां निराशां ख्याकं लिच्तु लिना ह्याच्वंगु कवि अनुभव याइ ।
प्यक्खेरयागु परिवेशयागु छायां अलग्ग साहित्य जुइ मखु — विवस,
रोदन व आकाशे ब्वया जुइगु सिबे छुं साधन मदुगु व क्रूर शासन-
यागु बखते न्ह्याम्हं कवियाके कुना च्वंगु आजादीया प्यास छायावाद
व रोमानीवाद जुया पिहाँ वइ ।

(ड)

आ २०१० साले कवियागु नवीनतम रचना छ्वास पिहाँ
वयाच्वन । लच्छि कमलाछी व लच्छी तःजाःफले च्वना च्वया तःगु
नीगुं पु कविताया थ्व संग्रह खः । थ्व सफूयागु विषये कविया धापू
दु — 'थुकी व हे वस्तु छायापागु दु' थुकी छिकिपिसं खनि-निर्माण
तिरपाः व्यंगु पिभेगः व विनाशं सराः व्यंगु सो बसः ।' थय्य निर्माण
व विनाश अथवा जन्म व मरणया नां धका कवि थुकियागु स्पष्ट
करण व्यंगू दु ।

कविताय् थःगु धाय्गु खँ फयांफक्व चिकिहाकःगु खँ व्यक्त
जुइमाः । सरलता झीगु आत्म प्रकाशनया दक्षिणे तःधंगु गुण खः ।
प्राणया अमरतायागु प्यासयात अनुभूतियागु ताकुगु रंग इला तःगु
कविता जुइमाः । आ थ्व कविताय् नं सामाजिक तत्त्वत थाय् थासे
समावेश जुजुं वंगु दु । मानसिक हाहाकार जक मखु, वाफ्यया
लिपा वइगु शान्त वातावरणया अन्वेग नं थुकी जूवगु दु । प्रकति-
यागु बिभिन्न अवस्था व अङ्ग लिसे थःगु घनिष्ठ परिचय वयेंवयं
कवि झीगु साहित्ये छगू म्हुगु व स्वस्थ प्रवाह दुत हया च्वंगु दु ।
गथ्य कि — 'सौबे उषां प्राची थित्य न्ह्यो', ख्वबि अनुकाःया स्वां
थ्वया थ्वया', 'फसं नस्वाः थन, स्वां छाल वयबं, तुतः ब्वब्वं ब्वल
झंगत', 'तमया कारागृह तच्छयाना न्ह्योच्यात मलः निशंक', 'निभाः
मुपचे घडि घडि मुस्सुं पृथिवी लिस्व ह्या याना च्वन', 'काल शरं
हृदय विदीर्ण जुया फे.फे. सें तया सीव नसंजा बूँपि नगु बिती वंगु
गपाय्चो आलोक-मुख. कुतुबंगु मचाः आदि ।

वस्तुस्थिति महंगु कविता समाजयात ज्याय् ख्यले दइमखु ।
वस्तुस्थितिया हे उत्पादन व्यक्ति जूगुलि व्यक्ति वस्तुस्थितिया उत्तरदायी
नं खः । प्रस्तुत व्यवस्थाया बिरोध नाप नापं उक्थियात प्रभावोत्पादक

(च)

ढंगं हस्तक्षेप यायगु संकेत नं दुगुलिं श्व 'छ्वास' उत्तेजना व पला-
यनवाद जक मजुसे स्वस्थ मनोवृत्तियागु प्रतीक नं जू । मनूतयके
चवंगु अस्मरता व मुक्तिया प्यासया स्पष्टीकरण हे संस्कृति, सभ्यता व
कला खः—

भुजि भुंगु उखयर पि-भेगः
गुकियात खिचां नंतुना नंचवन !
थुखयर सीवसः लाका हानं
छपुचः फोिंग लवाना चवन !
तर, सम्मुख त्या च्वे तोता
जनगणनाया हाकिम छ्वास
ई थें याना अमित स्वया चवन
सोगु-बगूया पावासः

यथ्य छ्वासयागु रूप कया नेवाः संस्कृतिया प्रतीक थुकियागु
नामकरण जुल । थोंयागु संसारयागु रूप नं श्व हे-शोषण व गरीबी
आच्छु आच्छु कना चवंपि, थःगु अधिकार व कर्तव्य लोमना खिचा थें
ज्यापि मनूत स्वगनी नवःगु वस्तु नं मामां नयाचवन, हानं गनं म्ह
तोपुइत वस्त्र छकूचाय् नं वं निं काय्ला श्वं निं काय्ला याना लवाना
चवन । जनगणनाया हाकिम अर्थात् अधिकारीपि थः अधिकार प्रमत्त
जुया उकियात परिवर्तन यायगु तोताः सोगु बगूया पावासः अर्थात् हा
मिकेगु मस्वसें उकियागु परिणामतयत् पिनेयागु वासः पायगु स्वया
चवन । कवि खना चवंगु संसार श्व हे खः, तर थुकी परिवर्तन हइगुया
निति जुया चवंगु छगू प्रयत्न नं कवि खनि व खः—

लुदंक याय् मखन हें उर्वर गुं
निशंरया जीव-धन,

(छ)

मदंक प्याखं ल्हीमखन हें बू
हाला बालीया गान !

वास्तविक परिवर्तन ह्यगु लें श्व खःसा थों बबःलाःगु राष्ट्रत
थः थवे दोहें थें ल्वाय्त सना चवन । किसि लवाना घाय् चूदं धयार्थें
चिचिधंगु राष्ट्रत धू जुइगु पहःवया चवन । कवि अज्यागु बखते म्ये
हालि—

कतिपुल्लीया सर्गः थें हे
यदि सकस्यां मन निर्मल जूसा

× × ×

संसारयागु श्व स्थिति व उकिया मोचनया उपाय कवि वयनि ।
ह्लापाह्लापाया कविताय् मनू मानव मखु, केवल आदर्शवा अभिव्यक्तिया
साधन जक, श्व सांसारिक व्यवस्थाय् मनू तयगु गुगुं उल्लेखनीय
स्थान मदु । व्यक्तियागु श्व वैयक्तिक महत्वयागु मूल्यांकन व आदर्श-
यागु द्वन्द्व आदर्श व यथार्थे विरोध उत्पन्न यात । आदर्शयागु कारणं
मनुष्ययागु कल्पना अति मानवीय रूपं जूवनि यथार्थे पूर्ण मानव रूपं
गुकी गुण नं दइ, दोष नं । मानवतयगु ... मानवीय भावना दया-
वःलिसे दलित पतित पाछे हार्दिक व बौद्धिक सहानुभूतिया 'नमोबागी'
नं काव्य जुल—

बवस्सं छबथां पवर्गीत खना
चिप लाका लवाना चवंगु
हानं ओसर वंमखु थें
घोथाःम्ह खिचां बवे न्ह्यं चवंगु,

(ज)

छत्थं तं व दया त्वाला
गुलि वाःतां थें नुगले वाःगु !

घात्थे दनिततय्गु दशा खना तं वेगु थाय् दु । छपुचः सामन्ती
पूजीगतितय्थ थमिसं थःगु अवस्था चाया थुकलं जक व्यूसा अमित
चवीके फुगु खुसि न्ह्याके फु । तर थमिसं चाःगु मखु । विकट परि-
स्थिति खु, लुच्चा, ठग, डाखु य रण्डीत थ्व हे विकृति समाजं दय्का
चन । थुक्रियागु मर्मस्पर्शी वर्णन कवि थय् याःगु दु—

पापि भुलूखां लाय् लाय् ब्दीका
पृथिवी चट्टा वाना चन !
खब्रिया धाःया वा गाका
चिकुलाया चा नं खाना चन !

थय् जूगुलि कवि ताइ विचारवान्पिसं धाःगु—

न्यना सिं कःमि धाःगु अले
रण्डां सम याय् माल समाज !

युग युग व शताब्दी शताब्दीयागु दलन शोषणं याना कष्ट,
पीडा व दुःखं हे मनूत छगू प्रकारं खों जुइ धुकल । अमिसं थःगु
अवस्था तक नं चाःगु मखु । यदि जिमित दुःख जुया चन, जुइ स्वागु
जुया चन धका जक चाःगु जुसां—

त्येका च्वन्य मखु धायव धरितीं
चलः वना गुं पाताः ह्वा

×

×

×

तर प्रकृति थें देशं धालं
चिला म्वं निष्ठुर व्यवधान !

(झ)

थय् हे निष्ठुर व्यवधान सह याना स्वाय्गु ला छगू महा पाप
खः धका कवि च्वत—

“ चंचाया छिउंगु कपाले ”
खं चवंगु तिभाः छत्थं बित हँ !

थये थ्व ‘छ्वात’ यागु कविताय् प्रताडित, लौकित व पीडित
मानवता प्रति केवल मौखिक तथा बौद्धिक सहानुभूति जक मखु हृदय
यागु सम्पूर्ण वृत्तिया एकीकरण नं दु । कविया सौन्दर्य साधना बलहुं
शक्ति साधना पाखे ब्रानाचवंगु दु । सौन्दर्य भावनाया थ्व उदार प्रति-
क्रिया खः । वास्तव सौन्दर्य सदां गत्यात्मक, अगति मुलक थुक्रियात
माने थाय् मज्झु ।

चुलि जाःगु मुखु स्वाया व्यन्यव
गुलिखे सय्य ब्रह्मा हिलिगु,
सुमनं सौरभ थें प्राण नं
मनया जिज्ञासा पयनिगु,
थय्क सिमाहुः सन्यव रामं
पञ्चवटी खन शिवयात
छन्हु मृग शावकया नयने खन
सोतां नं सुन्दरयात
उकि मखा ज्वी हंगु कवि
मानव जातीया संसार ।

भाषायागु छगु उत्कृष्ट व उच्चस्तर कविता खः । भाषा
समाजया उपज । जन जीवन लिसे थ्व गुलि भ्यैले पुनि उलि हे थ्व
उत्कृष्ट व उच्च जुइ । भ्यैले पुनिगुया अर्थ हृदयग्राही अर्थात् मार्मिक

(अ)

जुड़गु । थुकियात मेगुकरथं धायबले नुगले धवाथू वनिगु खः । अन्तु-
भूति हंगु खँ जक धवाथू वनिगु जुइ फु । मिखां खवबि पिहाँ मवःसां
हँ हँ याना खवःगुया छुं प्रभाव मलाइगु झीस खाः । उकि कवि खेकेत
थः खवे माः, ह्नीकेत थः ह्लिले माः, अथ्य हे क्रान्ति ह्युत थः क्रान्ति-
कारी जुइ माः । 'छ्वास' या कवियाके नं जि थ्व गुण मदुगु
मखना ।

- सिद्धिचरण

परिचय

थुख्यर निर्देनिस्ये खन्यदे कि कवि 'व्यथित'या प्रकृति दर्शने
गम्भीर व मूलभूत अन्तर । 'व्यथित'या काव्यादर्श प्रकृति प्रारम्भस
शिक्षकया नातां वःगु दु । थ्व निश्चय खः कि प्रकृतिया प्रत्येक अङ्ग-
विशेषया नाप कविया क्रान्तिकारी भावना सहचारी जूगु दु । यदि
प्रकृति क्रान्तिकारीताया तत्व मदुसा कवियात ब ग्राह्य मजू । द्वितीय
उत्थानया कविताय् कवि प्रकृतिया सहचारी मजुस्य स्वयम् प्रकृति हे
कविया सहचारी जूगु दु । थ्व निश्चय खः कि अखे नं प्रकृतिद्वारा
कवियात छुंन छुं रूपे प्रेरणा बा उत्साह प्राप्त हे जू । गुंगू साल लगे
ज्वीका प्रकृति-दर्शनया क्रमे गुगु परिवर्तन वःगु दु उकी खन्यदु कवि
सर्वोपरि, प्रकृति गौण । यत्र-तत्र प्रकृतिया प्रति कविया गुंगू भाव
खन्य दु उकी संवेदनशीलता अथवा साहचर्य विद्यमानसां कवि प्रकृति
लिस्य तंस्वे कै हानं मस्तयुत थें बंत न्वाइ, अलै वया विरोधी तत्वयात
मुंक्कगु प्रयत्न याइ । थुलि ज्वीक ज्वीक नं कविया मान्यता दु कि
प्रकृति अस्त-व्यस्तता विद्यमानसां व सदैव पुरुषया पराक्रम पुनः व्यव-
स्थित ज्वी फु, वया ध्वंसात्मक तत्व रचनाया लिस्य सहगामी ज्वीफु ।

प्रकृति-दर्शनया थ्व परिवर्तित व मौलिक दृष्टिया दुन्य व्यथि-
तया काव्यादर्शया आत्मा सन्निहित जूगु दु । "व्यथित" विशुद्ध मान-

(४)

ववादी अथवा समाजवादी कवि खः। समाजवा विषय परिस्थितिपात लिप्यायुग व थुन्यगु हानं वतं परिवर्तन यायुगु गुगु प्रेरणां 'व्यथित' या जीवनपात संचालित यात उकिं हे वतं कवि नं दयकल। थुकथं व्यथितया काव्य साध्य मखुस्य छगू साधन मात्र खः, गुगु कि वया समाजवादी लक्ष्यया सहगामी जूवःगु दु। प्रकृति प्रतिया वया दृष्टि वया काव्य-कलाया छगू अंग मात्र जूगुलि प्रारम्भे परम्परागत ढंगं प्रकृतिया गुगु परम्परागत पहलं सहायता वं काःगु दु, उकी काव्य जीवनया प्रौढत्वया नापं परिवर्तन वयुगु नं आवश्यक जू। थव खँ काव्य-धाराया अध्ययनं स्पष्ट याइ। किन्तु, राजनीति लक्ष्यया गुगु साध्य वया न्ह्योन्य दु उकिया प्राप्ति जूसां नं समाजे व हे विषमता ल्होंगुलि वया आक्रोश स्वाभाविक जू। थुकिया प्रतिच्छाया वया प्रकृति दर्शने नं छे धया थें खन्य दुगु रहस्य थव हे खः।

थुकथं 'व्यथित' आ बाह्य प्रकृतिया अपायचकं अपेक्षा मयास्यं तथ्यंक मानव-प्रकृतिया सम्मुख वं वल। यदि व व्यक्तिवादी जूगु जूसा मनोवैज्ञानिक कवि ज्मीगु खः। किन्तु, समाजवादी युगे व्यक्ति गौण ज्मी समष्टि प्रधान। उकिं काव्यया विषय आबंलि तथ्यंक (सीधा) समाज जूगु दु। समाजया वर्तमान स्थिति गुकी शोषण, दलन, उत्पी-दन व क्रूर विषमता रोग थें व्याप्त जुया चवन गुकिं 'व्यथित' या मनयात गम्भीर प्रभाव छित। कोरा दार्शनिक मात्र जूगु जुसा कित व पलायनवादी ज्मीगु कित निराशावादी। किन्तु, गुगु उद्दाम उत्साहया छगू धक्काय शासन-तन्त्रया मध्यकालीनता लिचिल व ला वैद्य व हे दु। व्यथितया मान्यता दु कि समाजे समन्वय, प्रेम, सौहार्द व आन-न्दया तत्व नं कम मात्राय महु। थव हे भावना ला वया प्रेरणा खः। उकिं व्यथितं समाजया थव 'छ्वास' थःगु भावना अझ तत्परता पूर्वक

(५)

केन्द्रित याना वत एक रूपता व स्वच्छता बीत स्वःगु। थुकी सामन्त-वादी अथवा मध्यकालीनतावादी गुगु धार्मिक व सामाजिक तथा सर्वोपरी आर्थिक बाधा त दु उकी कविया प्रत्यक्ष हमलाया कारण नं थव हे खः।

समाजप्रति थुगु परिवर्तित भावनाया दृष्टि गुंगुगु साल लिपाया कविताय राजनीतिया अपायचकः प्रत्यक्ष रूप खन्य महु गुलि कि अर्थया। तसर्थ प्रकृति गन ल्हापा राजनीतिक दृष्टि प्रेरक अथवा प्रेरित तत्वया रूपे गृहित जुल आ वया उपयोग आर्थिक अर्थ व अभि-प्रायया साथ ज्मीगु यात आ 'व्यथित' धरतीया गायकका रूपे खन्य दु गुकी उर्वरा शक्ति विद्यमान दु। अयनं व्यथितया दृष्टि प्रकृतिया उर्वरा शक्तियात सचेत याय निमित्त मानव बलया आवश्यकता दु। पुरुष थुकथं हानं प्रकृतिया नियन्त्रक व निर्देशक जूगु दु। कवि आबंलि देगले देव-प्रतिमाया पत्यसा मानव-मूर्ति खन्यगु यात गुकियात पुज्या-युगु न्हगु परम्परा 'छ्वास' आरम्भ जुल।

छे धाय्धुन कि व्यथितया साधना आ प्रत्यक्ष रूपं समाजे केन्द्रित जूगु दु, गुकी बहुरंगिता दु, गुकिया प्रत्येक पक्षे संशोधन परि-मार्जन व परिवर्तनया आवश्यकता दु। तसर्थ वया लेखनी आबंलि आपालं पक्ष व बिस्तृत क्षेत्र घय्पी माल, परन्तु वर्तमान व्यस्त समाजे थव फुक मध्ये प्रत्येकया सम्बन्धे पृथक-पृथक व बिस्तारसाथ न्यन्यगु बा न्यंकयगु समय स्वीत महु। उकिं मशीन युगया प्रारम्भ नाप साहित्ये सूक्ष्मता, इङ्गीत व निर्देशमात्रया प्राधान्य खन्य दुगु अर्वाचीन युगे कहानी, निबन्ध व मुक्तक कविताया बहुलता हे थुकिया दृष्टान्त खः। बहुरंगी ज्ञानया बिस्तृत प्रसारं याना गुगु धन्युया बिस्तृत व्याख्याया आवश्यकता मनुष्ययात महु संकेत मात्र यथेष्ट जू। थव 'निर्देशनवादी'

या उपयोग 'व्यथित' थः गु काव्य-जीवनया न्हूगु अध्याये खूब याः गु दु । परम्परावादी काव्य-धाराय् बाः वनिर्नि लेखक व श्रोतां व्यथितया रचनाय् गुगु क्लिष्टता व दुर्बोधयता अनुभव याना च्वंगु दु उकिया कारण नं थ्व हे खः । आधुनिक चित्र शैली गुकथं छगू-निगू तप्यंगु व बेक्वः गु धो हे कलाकारया अभिव्यञ्जना मूर्त याय्त यथेष्ट जू-चित्रया रूप दर्शयय्त विस्तारया आवश्यकता मदु । अथ्य हे चतुर्दश पादिकाया संक्षिप्त खण्डे व्यथितं समाजया विषमताया निर्देश बिन्दु तया व्यंगु दु । उकिया संयोगं प्रकट ज्वीगु चित्रया अनुभूति श्रोता बा पाठकं स्वयम् याय्माः । यदि समाजया अध्ययन, उकिया विषमताया कटुता व आधुनिक समाजवादी युगे वत परिवर्तित याय्गु भावनां पाठक बा श्रोताया मन व्याकुल जूगु भदुसां अमिगु निम्ति व्यथित महा दुर्बोध ज्वी, अज्यापिसं व्यथितया रचना मध्यसां ज्यु । कलाकारया कर्तव्य हे समाजया समष्टिगत भावनायात एकत्रित याना वया प्रति-निधि-स्वरूप ज्या वत न्ह्योज्यावयगु खः । यदि समाजया ह्याय्कं जक ज्वीगु जूसा आधुनिक कवितायत व अवान्छनीय जू । अज्यागु चित्रया प्रदर्शन, अमिगु रंग-बुट्टाया प्रदर्शन मात्र मध्यकालीन किंवा सामन्त-वादी कविता ह्लि छयाय्गु ज्या खः । थज्यागु काव्ययात समाजवादी कवि सुसुप्त समाजया हिनूली अज अफीमया इन्जेक्शन सिबे अपो भाःपि मखु ।

थ्व हे आर्वाचीन 'निर्देशवाद' या सहचारी ज्वीत 'व्यथित' या शब्दावली नं थुछ्यर मू पूगु दु । संक्षिप्त पदावली अर्थ व इङ्गीतया विशालता रवरं थें थू तुल्यगु शक्ति व्यथितया भाषाय् वः गु दु-चाहे व लोकोक्तिया माध्यमं ज्वीमा, सामाजिक प्रचलनया इशारारा रूपे ज्वीमा अथवा अलंकारया रूपे । थथ्य याय्बले पूर्व व पश्चिमी काव्य-शास्त्रया

सिद्धान्त व चलने पक्षपात याः गु मदु । रूपक व दृष्टान्त, अनुशरण (Onomatopoeia) गुण-विपर्यय (Transfired Epithet) अथवा लुप्त उपमेयवाचक धर्मोपमा फुकं एकसाथ ग्राह्य जू । कारण थपीं केवल उपादान मात्र खः गुकिया आधारे व्यथितया अति सूक्ष्म 'निर्देशवाद' मूर्त जू । लाक्षणिकताया थ्व हे ग्रहणं व्यथिते भरत व निस्त विशेष आदरपूर्वक गृहित जूवंगु दु कारण, अमिपाखें हे आगामी रचना व समाजया परिवर्तनया फल निर्भर जू ।

थुकथं चतुर्दश पादिकाय् चिचीधंगु लाक्षणिक अर्थ परिलुप्त स्वतन्त्र खण्ड-चित्र उपस्थित याः सां नं पारस्परिक अन्योन्याश्रितता दु, उकी अपो-न्हो ज्वी फेमखु, छाय् धाःसा व फुकं चित्रया निर्देश-बिन्दु खः । छगू बिन्दुया नं स्खलन जुल धाःसा व भाव न आघात व व सन्देश उकी दमखु गुगु कवितायत बाञ्छनीय जू । अयनं खण्ड चित्र, किंवा भाव-बिन्दु जथाभाबी ढंगं मुनाच्वंगु मदु । मुंदवगु बानी व्यथितयावय मदु । भावनाया छगू शौंकाय् गुगु रूप खडा जुल व हे व्यथितया कविता खः । भावनाया थज्यागु शौंका व्यथितयावय गब्लें-गब्लें जक वः, गुल्सं-गुल्सं जक व कवि नं ज्वीगु । खाली समये व्यथित समाजया छम्ह व्यक्ति खः समाजवादी लक्ष्ययात ज्वना ज्वीम्ह छम्ह राजनीतिक कर्मी खः, उद्दाम प्रवक्ता खः, अथवा मेगु छुं । थुकथं व्यक्तिगत जीवनया सम्पूर्ण रूप व्यथिते ल्वी मखु । थ्व निश्चय खः कि राजनीतिक कर्मी व कविता हृदय छगू हे खः उकी छगू हे भावया स्पन्दन दु ।

'छ्वासे' गुगु भाषाया उपयोग जूगु दु उकिया ज्ञान जितः मदु । अयनं कविता व्वन्यबले उकिया यति, शौंका, प्रगाह, रक्षता, लालिग्य व उद्देग पाठन-क्रियां हे मूर्त जू । भाषाय् ज्ञान मदुसां चित्र

(त)

व वया अभिप्राय श्चोक्थु फु । थुकथं भाषा नं अलङ्कार, छन्द, शास्त्रय-
ताया भेगु उपकरण थें व्यथितया कलाय् स्वाभाविक सहगामी जूगु
दु ।

‘छ्वासे’ भूत व भविष्यया व रूप दु गुगु वर्तमानं खना च्वन ।
‘जन-गणनाया हाकिम’ थें भूतया विफलताया व भविष्यया सफलता-
यागु साह्रै सूक्ष्मतापूर्वक अङ्कन वर्तमानं यांना च्वन । व्यथितया थ्व
संकलन नं शीगु भूत व भविष्यया बीचे उभयपक्षया जीवित रेखा ज्वना
बना च्वन । अस्तु ।

ज्ञानगेह क्षेत्रपाटी

कान्तिपुर-स्वांहा: पुक्ति

बालचन्द्र शर्मा एम. ए.

‘साहित्य-रत्न’

मूल नेपालीभाषां अनुवित ।

जिगु खँ

विचा: व भावनाया साहचर्यया क्रम मिलय् याय्
सा:गुलि दक्के ह्वापा च्वयागु दक्के लिपा हानं दक्के
लिपा च्वयागु दक्के ह्वापा तय्माल ।

रचनाया विषये विशेष उल्लेख यांना च्वने मखु ।
छाय्धा:सा थ: ला हिं निर्माण यांनाह्य न्ह्यात्थ्य हे
थजु मां-बौयात अप्सरा सिबे बांलाइ ।

जीवन व मरणया प्रतीक संसारया चित्र ‘छ्वासे’
जूगुलि सफूया नां नं ‘छ्वासे’ तयागु दु । थुकी व हे
वस्तु छायापागु दु, गुकी छिकपिसं खनि— निर्माणं
सिरपा: व्यूगु पि-भेग: व विनाशं सरा: व्यूगु सी
वस: । अथ्य जूगुलि ‘छ्वासे’ व्यक्तिगत मजुसे सामू
हिक जू वंगु दु । थ्वया रूप व शीलया विवेचना
याय्गु ज्या समाजया ख:, जिगु मखु । अस्तु

‘व्यथित’

पिका: पाखें-

खः श्व 'छ्वास' सफू वयकः 'व्यथित' जुया धाप्
अनुसार जुन गणनाया हाकिम खः । थुक्रिया न्ह्यागु
कविताय् नं संसारया व हे निताजी वस्तु दु— सृष्टि
व नाश, दुःख व सुख, सिरपाः व सराः । उर्कि धाय्
फु श्व कविताया सफू चवयाः 'व्यथित' जुं झीगु
भाषायांत छाय्पा दिल ।

थज्याःगु सफू त्रिभुवन विश्व विद्यालयया बी. ए.
या पाठ्यक्रमय् दुथ्याःगुलिं स्वंगूगु संस्करण लयताः
पूर्वकं न्ह्यर्चीका चवना । आशा दु । श्व संस्करणयांत
नं अथे हे थः नाला दी ।

प्रकाशक

'छ्वास'

छ्वास

पूर्व

सौबँ उषां प्राची थिल्य न्ह्यो
खा हाल, भमस्त वसिबं पूजुल,
माथः वनिपिं मस्तय्स नं
शंख पुपुं त्वाः-बाः थं जुल !
लःकु ब्यकुंच्याना वःपिं
मिस्तय्सं नापं 'लय्' धाय्क
खिचा दुवातय् हँः हँः खैजुल
नुगले वातां थें वाय्क

अब्ले हे फलचाया ववं
बँ पुपुं हालाहल छोला छहा,
अले हरेशिव, धाःगु न्यना —
फोगिनी सिना च्वंगु खनी छहा,

गुह्यस्या ख्वाउंगु छाती दुरु
चुचु प्यानाच्वन ह्याउंमचा छहा !

(कमलाछी- ७३ सिल्लागाः ८ शनिबार प्रभात)

(२)

छ्वास

प्रतिक्रिया-पिशाचिनीं ग्वःगु
चक्र-व्यूह तमया तःछयायूत
साधुवादया अभिषेक कया
रण-भूमी सप्ताश्व दुब्वात !
घडि-घडि वैमखु थें याना
स्वातन्त्र्य समरया शुभ औसर
गंगा-जल थें शुद्धगु जिगु ही
मोल्ह वल ग्वाः ग्वाः दीपंकर !

काल-शरं हृदय विदीर्ण जुया
फँः-फँः सँ तया सौव नसंचा
बूपिं नगु बिसिबंगु गपाय्क्वः
आलोक-मुखः कुतु बंगु मचाः !

न्हूगु सर्ग तीवं इतिहासं
हिल प्रगतिमूल वीर्य पुरुषया !

(तःजाःफः- ७३ पोहेला गाः ६ मंगलवार सुथ)

(३)

छ्वास

वाफ्य वे न्ह्यो ह्योगः बहनी
हकमां धोंब्वा बूंगे सित हँ !
हानं अग्ले हे चोबा'ले
नारांया म्हाय्या काय् बुल हँ !
'वासांसि जीर्णानि...' या व्याख्या
पचली-घाटे मुरली यात !
बकबाद धका लक्षमन - बाबां
वेगु न्यताले दादां श्वात !

ननी कुम्हाःतय् मस्त म्हिता च्वन
भेगः मुंका बाकू दःगु !
कला खवया च्वन घच्चाः ह्यूथाय्
रूप लुमंका अमर मज्जुगु !

धाल विधि कवियात मछाला—
न्हगु सृष्टि याय् नाश मज्जीगु !

(तःजाःफः- ७३ पोहेला गाः ६ मंगलवार ह्तिने)

(४)

छ्वास

घाय् लय् तोता घासे-घसिनीं
पालंपाः रसिया हाल !
रानीबन पुलकित यायां
म्हय्खा नं प्याखंपाः काल !
पल्पसां सुपाय्या कुञ्जं
नकतिनि याना वन अभिसार !
लय्तातां सर्गः चाःह्यू जुल
गुलिखे चातकया प्यार !

ताःकाल निसैं प्याय्चाःपि
बुं व फाँट फुकं उर्वर ज्वीक
गंगु खुसी नं जीवन बाः वल
जोवन-डुम्बो भय्बीक !

तर, धाल तटं निह्यर दना—
उदधी नं अमि मिलन मज्जु हँ !

(तःजाःफः- ७३ पोहेला गाः ७ बुधवार बाह्नि)

(५)

छ्वास

थांग्रां च्वंगु क्यबे नं बुलुहं
चुलि जाल, मुखूचिन, स्वां ह्वल,
प्रणय-प्रार्थना घडि-घडि यायां
भुनुनु-भुनुनु भंव भूवल !
बिज्यासले भवे न्यायका च्वंषि
वंजला मखा वःपि ज्वी,
भमचां लज्जानत मदिर मिखाय
गुलिखे सुख-सपना हं ज्वी !

तर, अले हे कमलाछी
कान्छाया प्रणयं दू फल हँ !
नय-त्वन्य मखना जेबिलि ब्यन्य न्ह्यो
मां व मचा निम्हं सित हँ !

न्यना, मनू छम्ह कंस खुनु
विद्रोहात्मकशं काय् ज्वन हँ !

(तःजाःफः- ७३ पोहेला गाः ८ वृहस्पतिवार ह्तिने)

छ्वास

फरर-फरर प्याखंपाः काकां
वामाया पीत समुद्रं
बुंमितय् घय्पुल सपनाया तट
गाजःया स्वर्ण तरंगं !
गुलिखे स्वप्न हना बलचां
वातावरण उमंगित ज्वीक
बय् पुल गः-गुम्बाया नापं
छाःगु नुगः चञ्चल ज्वीक !

ब्वी च्वंगु छ्वा छ्ये धाःगु न्यना-
मैचाया ज्या याय् माल,
तिमिला त्वःसां पत्यस्वां ह्वःसां
इवाः नं ज्वी मामं धाल !

‘पुन्नारांया काय् बुल काजी !’
दच्छ लिपा म्ह्यनं धाल !

(तःजाःफः- ७३ पोहेलागाः ६ शुक्रवार ह्तिने)

छ्वास

पापि भुलूखां लाय् लाय् ब्वीका
पृथिवी चट्टा वाना च्वन !
खबिया धाःया वा गाका
चिकुलाया चा नं खाना च्वन
खिचां वीक खवःसः न्ह्याः वेंच्वन
पचली पाखें धोतय् नं !
झुमि यंकु थें याना उख्य-थुख्य
चाःहिला जुया च्वन फय् नं !

थज्याबले नं खूज्वीह्य धका
तमं तमं पुलिसं दाल !
लहघःदेगःया चौकी
'जि खुं मखु बा-बा' छहसयां धाल !

खंक्व मचा जि-पुता धाधां
किन्तु सुथे वीं छह्य हाला जुल !

(तःजाःफः- ७३ पोहेलागाः ३० चान्हे)

छ्वास

पकनाजोया हूं तःखा छ्यें
न्हचूसः गुलि पिज्वया च्वंगु !
न्याः थें ब्याहा भवे गुलि जक
उल्लास-उमंग मुना च्वंगु !
रेडियो ज्वया च्वन म्ये नं-
ह्वंका-चाया अन्त मज्वीमा,
न्हूपि निह्यत्यपुयां नुगले
सुख-स्वप्न सदां उर्वर ज्वीमा !

क्वसं छबथां फोगीत खना
चिप लाका त्वाना च्वंगु,
हानं औसर वेंमखु थें
घोथाःह्य खिचां क्वे न्ह्यें च्वंगु

छत्थुं तं व दया त्वाना
गुलि वाःतां थें नुगले वाःगु !

(कमलाछी- ७३ सिल्लाथो ५ मंगलबार बहनी)

छ्वास

त्येका च्वन्थ मखु धाय्व धरित्रीं
चलः बना गुं पाताः ह्लात,
लपु पंका च्वन्थ मखु धाय्व खुसि
द्यां तःछ्याना बाः न्ह्योज्यात,
छ्युगुलि चिका च्वन्थ मखु धाय्वं
छाय्पिल किरणं सर्गःयात,
मयल शिशिरया शोषण धाय्वं
वल वसन्त वयवयात पुज्यायत !

तर, प्रकृति थें देशं धालं
चिला मवं निष्ठुर व्यवधान !
इतिहासं थाय् ब्यूसां ख्वैच्वन
२।१।६ दीपंकरतय् जीवन-दान !

यां ल्लासं ल्हासां गुं म्हुया न्ह्यो ज्याय्व इम्
क्रान्तियागु म्ये हाल कपीचां !

(कमलाछी- ७३ सितलाथो १३ मंगलवार ह्तिने)

(१०)

बिर्ली) कपीचा गुडुगु जीहोपाए ३॥६

छ्वास

धाय्व ह्लिला हानं धाय्व ख्वया
गब्लें हानं भौ सःता
हितं जिम्ह्याय् रजनी हानं
मसः-मसः कःसीं को सःता !
ह्लोकंगु दना गब्लें हानं
अंगः-द्योचा जुया-जुया,
गब्लें भवे नय् थें भाय् याना
इतिइति न्हिलिगु नु हुया-हुया !

नुगः हियूसां द्वां वेव पिने
न्हिला सिच्चीका सुख बीगु,
लिस्थ-लिस्थ बैगः दुच्छि जितः
ल्यूकासा नं ह्यितका ज्वीगु !

“खः थें जिगु तन्य धुंकुगु शैशव
जिम्ह्याय् जुया ल्याहां वःगु !”

(कमलाछी- ७३ सितलाथो १३ मंगलवार ह्तिने)

(११)

छ्वास

खना, शिशिरया उच्छ्वलता
विनाशना नं निष्ठुर नर्तन,
हनं सिमातय नग्न विवसता
उकीसनं तमया आवर्तन !
अयनं धायिगु अन्तःकरणं—
निश्चय वंतिनि छन्दु उगु दिन हँ !
थुलि न्यन्यवं वयवयात वसन्तं
सुमन-समाः याका न्होकल हँ !

उकि कवि सुलुप्वी सुथं थें
मलयानिलया छन्दे हंगु—
रचनाया सौरभमय महिमा
भंबःतयसं हाला जूगु,

हानं संकीर्णगु जन-पथ नं
ज्वी यैपुक तःबाला जूगु !

(कमलाछी- ७३ सिल्लाथो १४ बुधवार ह्तिने)

(१२)

छ्वास

छत्थुं बाः वःगु गपापचव
ववाःगु हि-धाः सर्गः तोप्वीक,
शंख पूगु मुलि झंगःतयसं
दिग्दिगन्त पुलकित ज्वीक !
आलोक, तिमिरया संग्रामे
रजनी रणभूमी सित हँ !
नव सिर्जनया म्ये हाला
प्राचीया दिप न्हूगु उकि हँ !

धाःगु न्यना-आधार मकाय्कं
प्रगतिमूल वीर्य पुरुषया
ज्वी मखु सत्य व शिव, सुन्दर
रचनामूलक सृष्टि प्रकृतिया !

व्यासं थें च्वे त्योंगु उकि थें
कवि महाभारत न्हूगु !

(कमलाछी-७३ सिल्लागाः १ शुक्रवार सुथ)

(१३)

छ्वास

लुदंक याय् मखन हं उर्वर गुं
निर्झरया जीवन — दान,
मद्वंक प्याखं ल्ही मखन हँ बुं
हाला बालीया गान !
चोतुक खिति त्वीका बी मखन हँ
गगनं नं जः-धाः हाय्का,
गावक धरां नं धन ई मखन हँ
पाताःया धुकुटि पिकया !

उकिं मखा थौं ईं व मुगः
खना मलः थें प्याखं ल्हगु !
चलः वना गुं ववदय् थें हे
खना सलंसः लाय्कू दुंगु !

बल्ल पुज्याय्खन धाय्वं प्रकृति
बलचा का देगः जूगु !

(कमलाछी-७३ सिल्लागाः १ शुक्रवार बहनी)

छ्वास

पुलो छूगु देपाल्हाः न्हवो,
सम्मुख कापी पौ पूगु,
जव ल्हातं हानं कलम ज्वना
खना कवि कविता चवःगु !
दुरुं मछ्यूनिम्ह म्हाय् लिक्क थ्यना
कलाः छना चवन छुछ्य लासाय्,
मेछ्य छना चवन कविया हानं
निम्ह दाजु-किजा काय् खाटाय् !

किन्तु, कल्पना कविया ह्यजुल
फलचा व सतः ल्यया-ल्यया,
करुणां नं छन्द हना बिल
खबि-झमुकाःया स्वां थ्वया-थ्वया !

न्यना सिकःमि धाःगु अले— *बल पुज्याय्*
रन्डां सम याय्माल समाज ! *धाय्वः*

(कमलाछी- ७३ सिल्लागाः २ शनीवार बाचा)

छ्वास

भुजि भुंगु उखर पि-भेगः
गुकियात खिचां नंतुना नैचवन !
थुखर सीवसः लाकां हानं
छपुचः पर्वांगि लवाना चवन !
तर, सम्मुख ल्याः चवे तोता
जनगणनाया हाकिम छ्वास
ई थें याना अमित स्वया चवन
सीगु-बूगुया पावासः !

किन्तु, न्यना अन्ले हे छहस्यां
छं न्यों मवनाला धाःगु—
मानव-संस्कृतिया विषये
राहुलजीया प्रवचन जूगु !

पासा, मानव जातीया म्हय् !
कचंवना के गुलि स्थोंगु !

(कमलाछी- ७३ सिल्लागाः २ आदित्यवार सोपहः)

छ्वास

छो तोप्वीक सुपांय दासि वयां
न्यना चवन न तं घनननन,
न्यासि ज्वी मजीक लपुं नं
न्ह्याः वै चवन वा-फय् हुनुनु-हुनुनु !
भविष्य खिउं थें चवंक तमं नं
गुलि जक प्याखंपाः काःगु,
अथ्य हे ज्योतिर्मय आशाय्
मन नं त्यानुक गुलि पोंदाःगु !

तर, बुद्धी आलोक भुना
तीक्ष्णता गती हःथें चवंक
तमया कारागृह तःछ्याना
न्ह्योज्यात मलः निःशंक !

जीवन बाः वःगु उकि थें
प्राण-मरुस्थल उर्वर ज्वीक !

(कमलाछी- ७३ सिल्ला गाः २ आदित्यवार चा)

छ्वास

याना पुलकित प्राची थें हे
ज्योतिर्मय वातावरण
गायकल सुस्मित अरुण धरणी
जगमग च्वामो-जागरण !
टलपल ताय व अबीर ह्वला
तृणमय सिंहासन तोष्वीक
मुथं पुज्याःगु गपाय्चवः जगमग
वरदान-विभव भय्बीक !

छ्वेका छ्वेत तिमिर जगया
प्राण आरती झी नं जुल हँ,
अब्ले छन्हु करुणां पवन्यवं
मा'सत ॐ राजां जीवन बिल हँ !

न्यना कवि धाःगु अले जि—
मंगलया अभिषेक मनू हँ !

(कमलाछी- ७३ सिल्ला गाः ३ सोमवार सुथ)

ॐ महासत्त्व = जातक बाखंया छम्ह जुजु ।

छ्वास

गल्लीया निखयर चवतं छम्ह छम्ह
मिसा-मिजं वय् वन्य यात !
गोंगः नं माखा ल्यूथाय्
पाःलाक मिखा अमि चूलात !
अब्ले हे उखय मूलं ग्याःवल
सीबाजंया सः श्वःगु,
ग्याः चिकु पहलं छम्ह ज्याठं
उखयर छखा छ्यें मुसु तै हःगु !

मंगले छथाय् त्वहँकःमि नं
दय्का चवन त्वहँया मूर्ति,
ये च्वह्य कवि नं थ्यन छन्दे
रोगं जर्जर छह्य व्यक्ति !

अब्ले हे श्वत गं:-गुम्बाय्
गौतम 'शास्ता' जूगु प्रसस्ति !

(कमलाछी- ७३ सिल्ला गाः ३ सोमवार सोपहः)

छ्वास

कुचुकुचु नवयव सिमायात फसं
गुलि न्हूगु सना फरफर-मरमर !
सुल्लप्याच्च म्हिता-म्हिता निमंर
गुलि जूगु ह्लिला हरहर-झरझर !
न्याकुं काकां पल्य-लप्टें नं
म्ये हाला च्वन टलपल-टलपल !
प्याखंपाः काकां सरिता नं
म्हिता जुया च्वन कलकल-कलकल !

पीजा कनरे स्वांया सुलिमे
गुलिखे भंबः भुनुनु-भुनुनु !
धेधेच्चीका म्ये हाला जुल
उख्य थुख्य फय् नं हुनुनु-हुनुनु !

फुक दृश्य थ्व हे हन्यत मखा ज्वी
कवि हाःगु अथे गुनुनु-गुनुनु !

(कमलाछी- ७३ सिल्ला गाः ४ मंगलवार सुथ)

छ्वास

चुलि जाःगु मुखू स्वांया ब्यन्यवं
गुलिखे सत्य ह्वया ह्लिलिगु,
सुमनं सौरभ थें प्राणं नं
मनया जिज्ञासा पवनिगु !
थय्क सिमाहः सन्यवं रामं
पञ्चवटी खन शिवयात,
छन्हु मृग-शावकया नयने खन
सीतां नं सुन्दरयात !

उर्कि मखा ज्वी हंगु कवि
मानव जातीया संसार !
वीणां थें मुखरित याना
सकस्यां जीवनया झङ्कार !

गुलि सौभाग्यवती कविता,
याना च्वन चां-ह्लि अभिसार !

(कमलाछी-७३ सिल्लागाः ४ मंगलवार बाह्लि)

छ्वास

ह्लिच्छि च्वयाच्चनि प्वाः जायि उकि ?
 कवियात कलाम्हं धाल,
 बजी छम्बाले म्हाय्पि त्वाय्चं
 निम्हस्यातं मामं दाल !
 अन्ले हे उख्छये भस्मेजू
 हुन्न खया हय्च खं ह्यात
 मांया दुरु सुत, ह्याउमचा सित,
 धाल नकीम्हं कवियात !

कवि मछाला स्वेव कलाःम्हं
 छय्य ह्याय्पं खाली यात,
 मेथाय् त्याःवन्य, म्वाल धका दन,
 तर, भस्मेजूया भात !

मन्त ध्यबा धाःगु न्यना जि
 सीमचा उठे नापं याय्त !

(कमलाछी:- सिल्ला गाः ४ मंगलबार बहनी)

छ्वास

नोष्ठुर तमयो देवं फाय्का
 जितः सिथं यों थें ताल
 दिपे यना उत्त, नौ नं जुल,
 तर खुसी सुनां च्वीकं धाल !
 अन्ले हे फुतिफुतिकेरां
 ज्योतिर्मय म्ये बर्सा यात,
 नव स्वप्न दना प्याखं ल्हीव
 नुगलं सी मय् थें यात !

धाय् नं मं दत खैयामं थें
 उख्यर मस्यू थन थें दु-मदु,
 थन ला जि दु, अय्लाः दु अले
 सुलिमैजु लिस्थ-लिस्थ कविता दु !

ज्वी व लिपा संसार सुमन
 धैजुल भँबलं नं सकतां दु !

(कमलाछी-७३ सिल्लागाः ४ मंगलबार चा)

छ्वास

कतिपुःहीया सर्गः थें हे
यदि सक्स्यां मन निर्मल जूसा,
च्वापु गुंया थें यदि गौरवमय
सक्स्यागु विद्याः उन्नत जूसा,
या तात्लाया सुद्योन्नं थें
सागर नं साला काय फःसा,
वैत सुपांय् थें करुणाद्रं जुया
पृथिवी नं बर्सा याय् फःसा,

धाल बसन्तं च्वःवे-च्वःवे
क्यबया सौरभमय इतिहास
सुस्मित छन्दे स्वांया सर्ग
शिशिरया याका परिहास !

छत्थुं गुलि जक जूगु उमंगित
कोकिल थें कविया उल्लास !

(कमलाछी- ७३ सिल्लागाः ५ बुधवार सुथ)

(२४)

छ्वास

पली बखुं त्वाःत्वा त्वाका
पालंयाः माया याना च्वन !
निभाः सुपांचे घडि-घडि सुस्सुं
पृथिवी लिस्स्य छ्याः याना च्वन !
कःसि बाज्यो वंम्ह मिसां
श्रृङ्गार पिज्वेक गिजे यात !
सौभाग्यवती ज्वीम्ह कुमारीं
इन अःखः वैत हिस्पात !

छछयर क्वथाय् भमचां सँथुना च्वन
छप्पो सँच्चः वां कट्टाका !
स्वैच्वन ल्युनें कोटं मपयुतें
भाःतम्हं मती छुछु ल्वोका !

अब्ले हे छम्ह जूजं द्वां वल
जयबिलि व्यंका भ्वे धाय्त !

(कमलाछी- ७३ सिल्लागाः ५ बुधवार बहनी)

(२५)

छ्वास

चंचाया खिउंगु कपाले
खैच्वंगु निभाः छत्थुं बित हँ !
न्यना, वया भाःत हरेशिव,
थौं चान्हे यग्गाना सित हँ !
अले मती लुल-गुलि दत ज्वी
ज्या माला मलुया दुख स्यूगु,
स्वे नं गथ्य फै च्याय् हाःम्ह मचा
प्वाःहील धका ख्वैजगु !

दिपाः मव्यस्यं भ्वेभ्वेकंका
प्वाःया चिन्तां ल्यूपिन्त
ताःहाःगु निराशाया लैय्
वैगु ह्लिला तःन्हो धय्प्वीत !

तर, धाल हँ चंचां ख्वक्खवं-
म्वाय्त मल्वास्थं सीगु सराःखः !

(कमलाछी- ७३ सिल्लागाः ६ वसुवाः सुथ)

छ्वास

तमं-तमं उद्य थुद्य खितु खिना
घाःपाः लाका पृथिवीयात
हानं निद्य ह्लाया प्वालं न
फुइँ-फुइँः पिछ्वया फसयात,
थथाय् सलं नं लँदथ्वी हाला
मानो नय् थें स्वस्वं त्वाय्त,
फया-फया च्वामुस्य च्वंगु न्यक्
डोहँत निह्य निद्यरं न्ह्योज्यात !

मेख्यर थथ्य हे त्वाय्त जुयाच्चन
बःबःलाःपि निष्ठुर राष्ट्र
दो' तय् त्वाप्वी साचा थें हे
धू ज्वीतिपि ज्वी निर्बल राष्ट्र !

न्ह्यगु नुगः गुलि ख्वःगु धराया
सां थें काय् मखना ऋतु दान !

(कमलाछी- ७३ सिल्लागाः ६ वसुवा बान्हि)

छ्वास

इमां वया खाचा दाय् थें
मण्डः काकां गुलिखे फस-खः
क्वाँ' बल मस्त-मिसा-उयाटः
चिल्लाय्-बिल्लाय् दंक सलसः !
दावाग्नी कुररीया थें
नौ जुल खबि-इमुकाः, चित्कार
बम्या मि नुन गुलिखे देया
संस्कृतिया नं श्रृंगार !

झंगु छप्पः धरणीं कु पयना
क्यों जुल स्वखं करुणायात
मांया मायां ज्वंछवी तोता
मानवताया मृत गात !

अयनं धाःति पुरश्चरण थव खः
थन्यत सकल जातीयात !

(कमलाछी:- सिल्लागाः ७ शुक्रवार बाह्लि)

(२८)

छ्वास

मानो नुन्य त्यों थें हे वाना
सर्गः वाँ' खाया चवन चवस्सं
तर, मां पृथिवी धाःसा ग्याना
खन्यदु छग्वारा च्यू थें कवस्सं !
अयनं धरणीया ह्माय् तय् थें
सम्पातीया निह्य सन्तान
काःजुल सर्गःया नं थाः-गाः
इल्ल-इल्ल हाला जयगान !

चिना कपंया उर्वर खिपतं
साला-साला सर्गःयात
ह्यस्वाहाने सम्पाती-मुत
क्वाँ' वैचवन ह्मीका मांयात !

उकिं मखा कल्याणी बिजुलि
पुष्प-वृष्टि याः जूग पुज्याय्त !

(कमलाछी:- ७३ सिल्लागाः ७ शुक्रवार सोपह)

(२९)

छ्वास

मुचुक वसिबं प्वीवं मैजु उषां
चीका तमया आवरण,
भयबिल नीलः अरुणिम कलशे
वाःगु गपाय्छवः जागरण !
स्वर्ण-आरती च्याका प्राची
लःल्हाय्वं प्रकृति थःत,
फसं नस्वाः धन, स्वां छाल बयबं,
तुतः ब्वब्वं ब्वल संगःत !

तर, देगः-दुन्य द्योया पत्यसा
मनू खना सिंहासनस
गुहास्यागु वरद ह्लातं रचना
छाय्पु खना जिं धरणीस !

उकिं कवि द्यो-मखु मनुख्या गुण
हन्यगु चलन हःगु खनी छन्दस !

(तःजाःफः- ७३ पोहेला थो न बुधवार सुथ)